

Gino Vrolijk, autor di e buki di Festival di buki pa mucha 2013, na Cayena Kleuterschool



Cayena Kleuterschool a yama Gino un bonbini caluroso y cu un scol bunita decora. Contando su buki cu el a skirbi pa e festival, 'Na caminda

pa e fiesta grandi' Gino a deleita e chikitin di Cayena Kleuterschool. Cu weganan di su buki e tabata entretene e muchanan y laga nan

participa gosando di e momento. Na dado momento tur nan timidez a kita y nan a hasta balia cu hopi smaak.

Anna Woltz, autora Hulandes na Pastoor Kraanwinkel den Festival di buki pa mucha 2013

Ta Anna su prome biaha na Aruba y el a keda encanta cu nos isla y ta dispuesto na bolbe. Su presentacionnan na scol tabata cu hopi diferencia na cada scol y el a ripara cu e muchanan di 6de klas tabata participa miho cu esnan di 4de. El a ripara cu tabata cuestion di idioma y pesey e tabata purba di papia mas trankil y traduci e palabranan dificil na Papiamentu. E maestronan tabata traduci esaki pe. Dunando un bunita presentacion di



su bukinan y un chispa dibertido, cu su pechi di koki, demostrando e muchanan di e scol con el a bira un escritora for di un edad hopi jong y con el a logra esaki. El

a puntra e alumnonan kico bo mester haci pa skirbi un buki y nan tabata sa precies kico nan lo cuminsa cu'ne pa logra esaki. Fantastico!

Liliana Braamskamp- Erasmus, escritora di Aruba y un tremendo contado di cuenta, den di Festival di buki pa mucha 2013

Cu un 'traba-lenga' hopi original Liliana a entretene e alumnonan di Scol Preparatorio di Kudawecha, di un manera fantastico. Ta pone e muchanan hari pa baster cu chansanan ora di traha un cuenta caminda nan tin di caba e palabranan cu 'chi'. Hopi pret pa mira cuanto atencion e alumnonan ta pone pa nan no comete eror.



Tambe ta pone nan rap, pa despues laga nan mes

pensa y inventa nan propio storia di un manera

original. Den un solo palabra: 'Fantastico'.

Munye Oduber-Winklaar cu un bunita presentacion na Prinses Amalia school



Prinses Amalia school a prepara bunita pa ricibi nos autora Munye Oduber. Scol a wordo dorna bunita y na cada skina e tabatin mesanan cu

weganan y obhetonan di deporte.

Cu hopi disciplina y autoridad Munye a lesa cuentanan y dunando e

alumnonan oportunidad pa por a splica locual nan a comprende di e storia.

Un berdadero juffrouw di scol.

Kathleen Thielman, contado di cuenta di Bonaire, na e Actividad di Merdia, di Festival di buki pa mucha, na biblioteca playa

Cu boca habri e muchanan a keda ta scucha e cuenta di Kathleen, di comienso di su presentacion te na final. Increibel

con Kathleen ta duna bida na e personan di su storia, haciendo di e cuenta uno cu bo ta sinti bo cu bo ta bibando e

storia realmente. Un sala cu basta mucha a presencia e actividad aki di 3 pa 4 or di atardi.

